

برسنہ لکی سلاٹیک ایچون ۵۰ غروشد

۲۵

آلی آلی

۱۲

اوج آلی

برسنہ لکی سائر محللر ۶۲ بجق

۳۲

آلی آلی

مجیدہ اون طقوز غروش حسابہ

برسنہ لکی سلاٹیک ایچون ۱ غروشد

سائر محللر ۵۰ بارہ در



امور ادارہ و تحریر یہ متعلق خصوصاً

ایچون سینہ سا ولدہ ۵۲ نومروہ

مراجعت اولتور

صاحب امتیاز و مدیری

عثمان توفیق

سلاٹیکہ ادارہ خانہ مزدن الدبرق اوزرہ سنہ لکی

۴۰ آلی آلی ۲۰ اوج آلی ۱۰ غروشد

آبونہ بدلی پشیدہ آلوزر

۱۹ اگستوس ۱۳۱۳

(ہر ہفتہ چہار شنبہ کولتری نشر اولتور فنون و ادبیات دن باحشر)

۳ ربیع الآخر ۱۳۱۵

ہر ہفتہ تبرکاً مطالعہ عالی کوئی نشر اولتور .



ہو کون خلافت مقدسہ اسلامیہ و سلطنت سنہ عثمانیہ نک شرف اقتران حضرت عبدالحمید خان ایلہ پرتاب و فر اولدینی
یوم قدسینک یکرمی ایکینجی سنہ دوریہ سیدر : ہو کون ہر مسلمانک ، ہر عثمانینک چہرہ سندہ لمعان ایدن نور بشاشت
و مسمودی خلیفہ رسول الہ . پادشاہ معالی اکتشاہ . انالہ تعالیٰ الی مایتنا افند من حضرتلرینک قلوب اسلامیان و عثمانیانہ
اشغال بیورہ کدککری موقع منت و انجاک چہرہ لہرہ منعکس اولان سایہ نور داری . ظل مضیدر .

عثمانیلینک ، اوملت فاخرہ نجیبہ نک قدرو شوکتی اعلاہ مصروف اولان ہو یکرمی ایک سنہ ایچندہ ہانکی دقیقہ وارد کہ
خاطرہ سی ہر عثمانی بی صاحب عصر اولان اوشہنشاہ ظل خدایک دعای دوام عمرو شوکتہ مجبور ایتمسون ؟

ہانکی عثمانی وارد کہ مظہر اولدینی ہونچہ الطاف سنہ متبوع افخمیہ قارشی قلبندہ ابدی صولز بر شکوفہ شکران
و منتداری صاقلامامش اولسون

نام جلی رشک آور پادشاہان اولان ﴿ یرک ﴾ صفت فاخرہ قدسیہ سیلہ تعالیٰ ایدن ، عثمانی تاریخک اوشانی صحیفہ لرینہ
قلم زرین قدرتلہ یازش ظن اولنہ جق قدرد علویات ایلہ مزین صحیفہ لر علاوہ بیوران او پادشاہ مؤید باللہ قارشی
قلبدہ حصولہ کلن احتیاسات شکران و منتدارینک تصویری نصل قابل اولہ یلیرکہ ذاتا ہو احتیاسات قلب لبرزدن
طاشہ رق اشک مسرت و افتخار صورتندہ ہر عثمانینک دوحہ عارضی اروا الیور : قلم حیاتی تصویرہ کوزدن زیادہ اظہار
عجز ایتمسی طبعیدر

عثمانیلتك مبدأ شوكت حقیقه سی . ابتدای قدرت معنویہ سی اولان روز جلوس مسعدت مانوس حضرت عبدالحمید خان اکبرك بوكون یكرمی ایکجی سنہ دوریہ سنی ادراك ایلہ مفتخرز .
 بو یوم مقدسك الی آخر الزمان بویله سنین دوریہ لرینی ادراك ایلہ قرالعمین اولمق ، الطاف سنیه حضرت کیتی ستانیدن الی ماشاء الله متعم بولمق ایچون مرفوع قبول کاه جناب رب مستعان اولان بونجه اللر آره سنده عاجز مطالعہ ده دعای باخیر حضرت شوکتپناهی نی تکرار ایلر :

لاتناهی ایلہ ای رب قدیر مستعان حضرت عبدالحمید اکبرك ایامنی
 ایلسون «عنا نبی» برقات دها اعلای شان دائم ایلہ جمله دیلر ده مبارك نامنی



اوبیات

زر رشته

— احمد حکمت بکه —

« یاز عشقکه دائر .. » دیدیکز ایشه :

چو جوقن

غایت افجان بر کدی سودم که المدن
 بر لحظه بر اقامدم ؛ او یورکن قوجاعده
 روحده کی شفقت

هپ اوسته تتر ؛ کجه بعضاً پاناغمده
 بر لکده او یوردق ؛ بر اقوب مکتبه کیتسم
 دلتنکی حسرت

مطلق بی دقتسز ایدرم .. « هی ، قوجہ سرسم ؛
 تو بیخی توقاتلرله کورلدر دی باشمده ،
 بن عاشق شیدا

هر قهره تحملله سوردم .. او باشمده
 سو مکده کی تأنیر و تسلی بی بیلبردم
 هر کس کی ؛ حتی

بعضاده سبیزجه اولوردم متألم .

زر رشته — یواسمیدی اولک — صانکه خبردار
 غمی کدرمدن ،

پائناقلانیر ، آنلار ، سورونور ، اوقشایر ، اوقشار
 تقریمه البته او کون چاره بولور دی ؛
 لکن اوزرمدن

بر کره او حزن اولدی می زائل ، قورولور دی

« سابه مدده بونشئه ! » دیمک ایستر کی مغرور ،
 مغرور و محقر ،

باشلاردی وفاسزلعه ؛ بن عاجز و مسحور
 هر درلو حظوظاتنه ؛ هر کیفنه تابع ..
 بعضاً متحیر ،

بعضاً متحکم .. ینه عاجز ، ینه قانع
 الک شبهلی بر میانی کورسم ایسانیدم ،
 بیچاره لکمدن ؛

هپ طرمالانیر .. طرمالانیر .. طرمالانیردم !

« یاز عشقکه دائر .. » دیدیکز ، ایشه مثالی
 سودکر من کن

هپسنده بو طرناقاری ، هپسنده بو حالی
 هپسنده بو خرچین کدی سیماسنی کوردم ...
 بر عمر جحیمک بتون اذواقی سوردم ؛
 ترون قون ت . فکرت

سنگین کلمات آرتق دل و جانمزه

طاق ایتدی

۴۵ نومرو لی مطالعه ده احمد انوری بک
 برادرمن طرفندن جناب شهاب الدین بکه
 اکرام ایدیلان فلسفه قریشلیری کوردم .

انوری بک خوان حکیماتندن ، مائده
 قیلوسوفانه سندن خوشه چین اولمق و بو
 کرستی تعلمله اوقاراج طولیسی حقیقتلردن

نصیب آلمق امیدیلہ مقالہ نی کرات ایلہ اوقودم .
 ایلاک دفعه قرائتمده « » بوجنک دمادم
 آنحق موتک ظهوریلہ ابدی بر صلح و مسالمتہ
 منقلب اولیور . . . الخ « جمله سنہ قدر کلنجہ
 مقالہ نی اوزونجه بر قبر کتابہ سی ظن ایتدم .
 کوکلده بر حسن تأثر اویانمش اولمقله بر آرز
 توقفه مجبور اولدم . فقط ینه قرائتہ دوام
 ایدنجه یوقاریدن آشانی یازیلان ، آشاغیدن
 یوقاری عصف ایدیلان کتابہ لر دن ینه معبود
 یشیل رؤیا وسارهدن بحث ایلمک ایستلر کی
 آکلادم . او سوزلرک احمد انوری بک
 طرفندن یازدیغنده ده دوجار تردد و اشتباه
 اولدم . زیر اوموی ایلمک مطالعه و ینه
 سالنیکده منتشر عصر جریده مقبرہ سنده
 کوردیمک آثار مرغوبہ سنده ، رکنی رؤیا جلق
 طرفی التزام اتمیه جنک قدر بر اختلاف
 اسلوب وار ؛ کندلیسی اوزمره ادبانی حقیقه
 معنایہ رعایت ایدر لر دییور ؛ جانبوکه بالذات
 کندی یازدقلرنده ، دهها زیاده ، و هر شئه
 ترجیحاً ، طمطراق افادہ نی التزام ایدر . حتی
 صوک قریشلیری ده برآرہ یه کتیر یلوب خیر
 مجموعندن بر مفهوم ، بر مربوطیت ، بر اقتراح
 مأل و معنی استحصالی آرزو ایدلسه
 موفقیت عسیر اولور .

مساعده بیوریلورسه و کندیلری ده حسن
 نیتہ باغشالارلرسه بو عسرتک اسب بی دلائی
 ایلہ اثبات ایدہ یم .

مقاله لك ابتدای اولان شو حیات بر هوای